

Sarkar-e-Ghaus-e-Azam Nazar-e-Karam Khuda-ra

Sarkar-e-Ghaus-e-Azam Nazar-e-Karam Khuda-ra
Mera khaali kasa bhar do, main faqeer hoon tumhara

Sab ka koi na koi duniya mein aasra hai
Mera ba-juz tumhare koi nahi sahara

Moula Ali ka sadqa, Ganj-e-Shakar ka sadqa
Meri laaj rakh lo, ya Ghaus! Main mureed hoon tumhara

Jholi ko meri bhar do, warna kahegi duniya
Aise sakhi ka mangta firta hai maara maara

Miran bane hain dulha, mehfil saji hui hai
Sab Auliya baraati, kya khoob hai nazara

Ye 'ata-e-dastgeeri koi mere dil se poochhe
Wahin aa gaye madad ko, main ne jab jahan pukara

Ye ada-e-dastgeeri koi mere dil se poochhe
Wahin aa gaye madad ko, main ne jab jahan pukara

Ye tera karam hai Murshid! Jo bana liya hai apna
Kahan ru-siyah Fareedi, kahan silsila tumhara

Naat-Khwan:

Owais Raza Qadri
Abdul Habib Attari
